



**BASES REGULADORAS DO FUNCIONAMENTO DA AULA DE REFORZO ESCOLAR
DE INGLÉS PARA EDUCACIÓN PRIMARIA CURSO 2020/2021.**

Artigo 1. Ámbito de aplicación

O ámbito de aplicación é o Concello de Barbadás.

Artigo 2. Concepto

A Aula de reforzo escolar de inglés é unha medida educativa dirixida a completar lagoas de coñecemento na devandita materia ou repasar contidos concretos traballados en clase ou ben naqueles casos nos que as necesidades do alumnado o requiran. Dirixirase á recuperación de destrezas que dificultan ao alumno/a seguir o desenvolvemento ordinario das clases de inglés no seu centro escolar. Será xestionado directamente polo Concello de Barbadás a través da Concellería de Educación.

Artigo 3. Destinatarios

Calquera alumno/a matriculado/a durante o presente curso escolar, 2020/2021, en Educación Primaria (dende 1º ata 6º) e que se atope empadroado/a no Concello de Barbadás, agás causas excepcionais debidamente xustificadas.

Artigo 5. Número de prazas ofertadas

Establécese un máximo de 10 alumnos/as por aula.

Artigo 6. Criterios de selección

A orde de selección será por rigorosa orde de entrega da solicitude a excepción das solicitudes que veñan acompañadas de informe do servizo de orientación do centro docente ou informe social, que terán preferencia.

No caso de que o número de solicitudes sexa maior que o de prazas ofertadas, os/as solicitantes pasarán a formar parte da lista de espera.

As solicitudes presentadas fóra do prazo establecido nas presentes bases, estarán suxeitas á existencia de prazas libres, pasando á lista de espera por orde de entrada en caso de non existir prazas, coa excepción daquelas que acompañen informe do servizo de orientación do centro docente ou informe social que terán preferencia.

Artigo 7. Prazo e lugar de presentación de solicitudes

O prazo de inscrición será dende o día 24 ao 30 de setembro de 2020.

A solicitude debidamente cumprimentada deberá presentarse por unha das seguintes formas:





Concello de Barbadás Concellería de Educación

- De forma telemática a través da sede electrónica do Concello de Barbadás <https://barbadas.sedelectronica.gal>
- De forma presencial no rexistro con cita previa (Casa do Concello 988360000, Oficinas A Valenzá a través do buzón de citas da sede electrónica).

As solicitudes estarán dispoñibles na páxina web do Concello (www.barbadas.es)

O día 1 de outubro publicaranse as listaxes dos/as solicitantes admitidos/as e de espera, na páxina web do Concello, www.barbadas.es.

Artigo 8. Importe.

A Aula de reforzo escolar é de balde, está subvencionada polo Concello de Barbadás.

Artigo 9. Horarios e lugar das clases

As clases comezarán o día 5 de outubro de 2020 e rematarán o día 31 de maio de 2021.

O calendario a seguir rexerese polo calendario escolar marcado para o curso 2020/2021, considerándose lectivos só os días que nel se fixen como tales.

O lugar e horarios onde se impartirán as clases serán:

- Reforzo de Inglés: Instalacións municipais Parque da Solaina

	Luns	Martes	Mércores	Xoves	Venres
16:30 - 17:30	1º Primaria 2º Primaria	3º Primaria 4º Primaria	5º Primaria 6º Primaria	1º Primaria 2º Primaria	3º Primaria 4º Primaria
17:40 - 18:40	5º Primaria 6º Primaria				

Entre clases haberá 10 minutos que se usaran para ventilación da aula.

Artigo 10. Normas de funcionamento

- É obrigatoria a asistencia. A acumulación de tres faltas sen xustificar ou a reiteración de faltas xustificadas dará lugar á baixa na actividade sen reivindicación algunha de dereito por parte do participante. As faltas deberán ser xustificadas polos pais, nais, ou tutores legais, mediante xustificante cumprimentado e asinado.
- No caso de que o comportamento do/a alumno/a afecte ao normal funcionamento da actividade ou un mal uso da aula de reforzo escolar, procederase a avisar á familia e a dar o/a de baixa en dita actividade.
- A baixa voluntaria das clases deberá comunicarse o mes anterior o que o/a alumno/a deixe de asistir.





Concello de Barbadás **Concellería de Educación**

- No caso de que a valoración do alumno/a indique que acadou os obxectivos programados e exista lista de espera, o servizo terá dereito a dar de baixa a dito/a alumno/a pasando a súa praza o seguinte alumno/a en lista de espera.
- Non se admitirán cambios de aula dos/as alumnos/as.
- Os alumnos/as deberán acudir a clase con mascarilla.
- Con motivo da situación actual vinculada a propagación do Covid-19, para acceder a aula de reforzo escolar , de acordo coas recomendacións das autoridades sanitarias, será necesario asinar unha declaración responsable, que se entregará na primeira clase a que acuda, e cumprir as instrucións que na mesma se indican.

A participación nas actividades suporá o cumprimento e aceptación das presentes bases.

O Concello de Barbadás resérvase o dereito a realizar os cambios oportunos que poida considerar necesarios para o correcto funcionamento.

